

07 MAR 2002

PM TERIMA KUNJUNGAN MENTERI LUAR VIETNAM, NEW ZEALAND

PUTRAJAYA, 7 Mac (Bernama) -- Perdana Menteri Datuk Seri Dr Mahathir Mohamad menerima kunjungan Menteri Luar Vietnam Nguyen Dy Nien dan Menteri Luar dan Perdagangan New Zealand Phil Goff di pejabatnya di sini hari ini.

Dalam pertemuan selama setengah jam, Nguyen disertai Timbalan Menteri Perancangan dan Pelaburan Vietnam Tran Drong Toan. Yang turut menemani mereka ialah Duta Besar Malaysia ke Vietnam Datuk Wan Yusof Embong.

Nguyen dan rombongan sedang berada di negara ini untuk menghadiri Mesyuarat Jawatankuasa Bersama Malaysia-Vietnam.

Dr Mahathir kemudiannya dikunjungi Goff yang sedang melawat Malaysia selama tiga hari bermula hari ini.

Goff ditemani dalam perjumpaan selama kira-kira sejam itu oleh Pesuruhjaya Tinggi New Zealand ke Malaysia Mac Price, timbalannya David Pine dan Pengarah Bahagian Asia Tenggara Kementerian Luar New Zealand Sarah Dennis.

Pertemuan itu difahamkan telah membincangkan pelbagai isu termasuk hubungan dua hala Kuala Lumpur-Wellington.

Lawatan Goff ke negara ini ialah atas jemputan rakan sejawatannya Datuk Seri Syed Hamid Albar. Goff juga dijadual melawat Sarawak.

-- BERNAMA

AT MAM AHH ZB